

PG 09.12.2010.g.

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
OPĆINA BOSANSKA KRUPA  
OPĆINSKI NAČELNIK



BOSNIA AND HERZEGOVINA  
FEDERATION OF BOSNIA AND HERZEGOVINA  
THE UNA-SANA CANTON  
THE MUNICIPALITY OF BOSANSKA KRUPA  
MAYOR OF MUNICIPALITY

Broj: 09/11-38-1196/10  
Datum: 06.12.2010.god.

**PREDMET: Poziv za učešće na trećem sastanku Partnerske grupe**

Poštovani/a,

Ovim putem Vas pozivamo na sastanak Partnerske grupe za razvoj, koji će se održati **09.12.2010.** godine u maloj sali Doma kulture u Bosanskoj Krupi sa početkom u **09:00 sati**. Na sastanku će biti prezentiran **Nacrt integrirane strategije razvoja naše općine**.

Kao što ste upoznati, Općina Bosanska Krupa, uz podršku Razvojnog programa Ujedinjenih naroda (UNDP) i Švicarske agencije za razvoj i saradnju, a u okviru Projekta integriranog lokalnog razvoja (ILDLP), početkom ove godine je pokrenula proces revizije Strategije razvoja općine. Proces revizije Strategije razvoja vodi Općinski razvojni tim (ORT), a Partnerska grupa (PG) predstavlja ključno konsultativno tijelo koje omogućava široko učešće socio-ekonomskih partnera općine u ovom procesu.

Na prethodnom sastanku Partnerske grupe predstavljeni su nalazi socio-ekonomske analize općine, te nacrti vizije i strateških ciljeva općine do 2020. godine. Nakon ovog sastanka, sektorske radne grupe, u čiji rad su bili uključeni članovi ORT i PG, izradile su plan lokalnog ekonomskog razvoja, plan društvenog razvoja i plan zaštite i unaprijeđenja životne sredine. U ovim planovima uključene su liste prioriternih projekata koji će se implementirati u sljedećih pet godina, te operativni dio Nacrta strategije, u kojem su sadržani plan implementacije i finansijski plan Strategije. U prilogu vam dostavljamo Nacrt integrirane strategije razvoja na uvid i sugestije.

Molimo Vas da svojim aktivnim učešćem na sastanku doprinesete kvalitetnoj finalizaciji procesa izrade integrirane strategije razvoja naše općine kroz svoje komentare i konkretne prijedloge bilo tokom sastanka ili da u pismenoj formi dostavite koordinatrici ORT-a gospođi Asimi Mušić, putem telefona 061 835 958; na e-mail: [asimam@opcinabosanskakrupa.ba](mailto:asimam@opcinabosanskakrupa.ba).

Cijenili bismo ukoliko biste potvrdili Vaše učešće na sastanku na gore navedeni kontakt telefon ili e-mail. U prilogu Vam dostavljamo dnevni red za planirani sastanak.

Nakon sastanka partnerske grupe uslijediće finalizacija integrirane strategije lokalnog razvoja i njeno usvajanje od strane Općinskog vijeća. To znači da bi implementacija Strategije trebala krenuti početkom slijedeće godine.

Unaprijed se zahvaljujemo na Vašem doprinosu u ovom procesu i vašem angažmanu na oblikovanju budućnosti naše zajednice.

S poštovanjem,

OPĆINSKI NAČELNIK  
Armin Halilović, dipl. ecc.


# Treći sastanak Partnerske grupe za razvoj

OPĆINE BOSANSKA KRUPA  
09.12.2010. godine, mala sala Doma kulture

## DNEVNI RED

09:00 - 09:15	<b>Napredak u procesu izrade Strategije razvoja naše općine: odakle smo počeli i gdje smo sada?</b> gđin.Armin Halitović, načelnik općine
09:15- 09:45	<b>Sinteza Nacta strategije razvoja općine 2011 – 2020: vizija razvoja, strateški ciljevi, prioriteti socijalnog, ekonomskog i okolišnog sektora</b> <i>Moderator:</i> gospođa Asima Mušić, koordinatorica Općinskog razvojnog tima Razmišljanja i povratne informacije od građana
09:45 – 10:15	<b>Programi i projekti u sektorima ekonomskog, društvenog i okolišnog razvoja za naredne tri godine i prioritetni projekti u 2011. godini.</b> <ul style="list-style-type: none"><li>• Pregled projekata iz društvenog sektora</li><li>• Pregled projekata iz ekonomskog sektora</li><li>• Pregled projekata iz sektora okolišnog razvoja</li></ul> <i>Moderator:</i> gospođa Asima Mušić, koordinatorica Općinskog razvojnog tima
10:15 – 10:45	<b>Diskusija, primjedbe, prijedlozi i sugestije</b> <ul style="list-style-type: none"><li>• Razmišljanja i prijedlozi građana na prioritetne programe i projekte u svakom od sektora</li></ul> Osvrt i preporuke građana na cjelokupni nacrt Strategije razvoja <i>Moderator:</i> gospođa Asima Mušić, koordinatorica Općinskog razvojnog tima
10:45 - 11:00	<b>Zaključci i naredni koraci</b> gđin.Armin Halitović, načelnik općine

*Podsjetnik: sastanak će biti otvoren za medije i sve zainteresovane građane općine Bosanska Krupa*



Implementirano uz podršku Projekta integriranog lokalnog razvoja (ILDP)



Bosna i  
Hercegovina

## ZAPISNIK

### sa 3. sastanka Partnerske grupe održanog dana 09.12.2010.god.u Domu kulture u Bosanskoj Krupi

Sastanak se održao dana 09.12.2010.god.u Maloj sali Doma kulture Bos.Krupa,sa početkom u 09.00 sati.

**Tema sastanka:** Nacrt integrirane Strategije razvoja općine Bosanska Krupa 2011-2020

Sastanku prisustvovali:

Koordinator Općinskog razvojnog tima Asima Mušić,  
član tima i vođa sektora zaštita okoliša Esma Hergić  
član tima i vođa društvenog sektora Gorinjac Sead

Koordinator Ispred UNDP-a Hikmeta Selesković  
Lista prisutnih je prilog ovom zapisniku

Sastanak je otvorila Asima Mušić, i dala uvodne napomene i prezentirala provedene aktivnosti na pripremi integrirane strategije razvoja općine Bosanska Krupa. Napomenula je da se sve primjedbe, prijedlozi i sugestije mogu dostaviti u pisanoj formi, ili da se iznesu direktno na današnjem. Konstatirala je da je do sada pristigao ve broj projektnih prijedloga i da se mora promijeniti pristup lokalne zajednice u rješavanju problema. Nakon prezentacije nacrt integrirane strategije razvoja otvorena je diskusija o dokumentu.

Veladžić Šefik predstavnik LAG „Una-Sana“:

Smatra da se nije dovoljno pažnje posvetilo uključivanju šire javnosti i prikupljanju kvalitetnih ideja..Smatra takođe da se neke ideje nisu dovoljno razradile, ali neke su i preskočene. Sredstava trenutno ima najviše u oblasti turizma, te predlaže da se pojača informisanost javnosti. Predlaže da se obavezno uradi projekat turizma u Jasenici.

Samir Mesić insistira da se diskusija usmjeri na utvrđeni dnevni red.

Koordinatorica ORT-a Asima Mušić, je potom obrazložila operativne ciljeve za svaki sektor, a zatim programe i projekte proizašle iz operativnih ciljeva.

Za sektor Zaštite okoliša programe i projekte je obrazlagala Esma Hergić, vođa ovog sektora.

Potom je Asima M. pozvala prisutne da se prodiskutuje prezentirano.

Porić Zumreta: JU Gradska biblioteka Bos.Krupa

Da li je planirano kroz ciljeve izgradnja ili prestrukturiranje prostora za javne ustanove? Posebno je inicijalno pitanje vezano za osnivanje dječje biblioteke.

Osmanagić Husein:

Projekat 1.1.14 Unapređenje kulturno-umjetničkog amaterizma- problem je nedostatak prostora u KUD-ove i sufinansiranje djelovanja.

Samir Mesić –firma “INFOSYS”

Ovo je dobar dokument , ali me interesuje na koji način će se ova strategija provoditi?

Hikmeta Selesković:

U strategiji stoji način na koji se ona treba provoditi, pa se svako može upoznati sa načinom provedbe, a što će biti na uvidu prije nego što dokument ode na odlučivanje u Općinsko vijeće.

Samir Mesić:

Da li je potrebno da se udruženja formiraju od strane lokalne zajednice?

Salih Šabić MZ-a Šabići:

Predstavnici mjesnih zajednica su nezadovoljni odnosom prema njima jer su lično sufinansirali lokalni put Badić –Šabići. Problem je u komunikaciji između MZ-e i općine-odnos neravnoopravan.

Samir Mesić:

Potrebno je još jednom provjeriti redoslijed projekata.

Hikmeta Selesković:

Zamolila je sve prisutne da primjedbe dostave u pisanoj formi u roku od 10 narednih dana.

Nijaz Tatarević:

Pozvao sve da se uključe u ovaj dokumenta i da uzmu aktivno učešće, da se dobije dokument koji će biti za sve nas veoma koristan.

Sastanak je završen u 12.45sati

Zapisničar  
Esmā Hergić

